

CHARLES
VI.
à Paris, en
Juil. 1392.
*Suite des Lettres
de Charles VI.*

Quasquidem Literas suprascriptas, ratas habentes & gratas, eas & omnia & singula in eisdem contenta, laudamus, approbamus, ratificamus, & ex nostre Regie potestatis plenitudine, ac gratia speciali, confirmamus: mandantes Senescallis Carcassone, Tholose & Bellicadri, ceterisque Justiciariis & Officiariis nostris, aut eorum Locatenentibus, presentibus & futuris, & eorum cuilibet, prout ad eum perinnerit, quatenus dictos Suprapositos & Paratores Ville predictæ Carcassone, modernos & posteros, nostris Presentibus gratia & confirmatione, juxta preinsertarum ac nostrarum presentium Litterarum series & tenores, in quantum usi fuerunt & utuntur, uti & gaudere faciant & permittant; & ut premissa omnia & singula fruantur perpetua valida firmitate, presentes Litteras Sigilli nostri fecissimus impressione muniri. Datum Par. mensè Junii, anno Domini m.° ccc.° nonagesimo secundo; & Regni nostri duodecimo.

Per Regem, ad relationem Consilii. TUMERY.

CHARLES
VI.
à Paris, le 11.
de Juillet
1392.

(a) *Commission donnée à Bernard de Chêne pour faire observer les Ordonnances des Monnoyes, dans les Bailliages d'Amiens, de Tournes, & de Vermandois.*

CHARLES par la grace de Dieu Roy de France. A *Bernart de Chêne* demourant à *Gravelines*: Salut. Il est venu à nostre congnoissance que plusieurs Marchans, Changeurs & autres, ont porté & portent de jour en jour hors de nostre Royaume Billon tant d'Or comme d'Argent, en esloignant & deffaisant du tout noz Monnoyes, & y achètent Monnoyes^b estranges, lesquelles ilz vendent & alloent en nostredit Royaume, en venant contre les Ordonnances faictes sur lesdictes Monnoyes, ou grant préjudice & dommage de Nous & de l'ouvraige de noz Monnoyes; & seroit plus ou temps avenir, se pourveu n'y estoit de remede. Si te mandons & comectons que tu te transportes par les *Baillages d'Amiens & de Tournes & de Vermandois*, & es Ressors d'iceulx, & toutes les personnes que tu y pourras trouver ou favoroir portans, conduifans & menans Billon d'Or ou d'Argent hors de nostredit Royaume, ou ailleurs que es plus prouchaines Monnoyes du lieu où ilz auront leur demourance, iceulx pren & arreste, ou fay prandre & arrester, & mener pardevant le plus prouchain Juge Royal du lieu où ladicte prinse aura esté faicte, pour veoir & faire^d Inventaire de toutes les Monnoyes & Billon qu'ilz porteront & feront conduire & mener, pour les pugnir selon ce que le cas le requerra; & ledit Billon fay porter, meestre & livrer en la plus prouchaine de noz Monnoyes où ladicte prinse sera faicte, pardevers les Gardes & Maistre-Particulier d'icelle, comme forsaël & confisqué à Nous; & Nous mandons par ces Présentes au Maistre-Particulier de ladicte Monnoye, qu'il te baille & délivre la quarte partie, en prenant reconnoissance de toy; par laquelle rapportant, Nous voulons & mandons ladicte quarte partie estre allouée & rabatue de ce qu'il en aura receu, par noz amez & féaulx Gens de noz Comptes à *Paris*; & de tout ce que tu auras trouvé ainsi confisqué, fay Registre pour renvoyer deux fois l'an souz ton Séal, à *Paris*, pardevers nosdictes Gens des Comptes & Généraulx-Maistres de noz Monnoyes. De ce faire te donnons pouvoir: mandons à tous noz Officiers & subgeetz, que à toy en ce faisant, obéissent & entendent diligemment, & te present conseil, confort, Aide & prison, se mestier en as & requis en sont: ces présentes après ung an non vallables. *Donné à Paris, le XI. jour de Juillet l'an de grace mil III.° IIII.° & douze; & le XII. de nostre Regne.* Ainsi signé. Par le Roy, à la relation du Conseil des Lays. MAULOUE.

NOTE.

(a) Registre E. de la Cour des Monnoyes
à Paris, fol.° 109. verso.

Avant ces Lettres, il y a: *Commission es
Baillages d'Amiens, de Tournes & de Vermandois.*

